

LXXIII

**Das vierdte Buch/ von der schif-
fart vnd Raifß/ gegen den Orientalischen Lendern/ Be-
schrieben durch H. Niclas Nicolai auß dem Delphi-
nat/ Desß Königs auß Franckreich/ Rem-
merling vnnnd bestelten
Geographum**

**Von den alten Gesezen vnd gewonheiten
der Perfer.**

Cap. I.

Schreibt Xenophon in
dem ersten Buch/ von dem leben vnd vn-
derweisung desß Königs Cyri, das die Perfer vor-
zeiten einen grossen platz gehabt haben/ welcher
von inen der platz der freyheit genennet ist worden/
auf welchem der Königliche Palast vnd andere ge-
bew dem gemeinen nutz zu guten gestanden/ dieser seie in vier Quar-
tir außgetheilt gewesen.

Der erste theil seie den jungen Knaben/ Der ander den jungen ge-
sellen/ Der dritt denen die zu ihren Manlichen jaren kommen/ Der
vierdte/ den alten verlebten Männern/ die alters halben desß kriegß/
vnd anderer empter gefreiet waren zugeaignet/ vnd geordnet gewesen.

Ein jeglicher vnter sechszelten personen hat zu bestimpter zeit in
seinem Quartir sich finden müssen lassen/ als nemblich die Knaben
vnd die erwachssene Männer/ wenn der tag anbrach. Die alten betag-
ten/ zu etlichen gewissen stunden die notturfft desß gemeinen nutz zube-
rathschlagen/ Die jungen gesellen gegen dem abend mit iren wehren/
musten hernach die nacht herumb gehen/ vnnnd die heuser die zueerhal-
tung desß gemeinen nutz erbarwet waren/ bewachen/ Die senigen
aber so verheirat waren/ durfften solchs nit thun/ dan wenn sie in son-
derheit darzu erfordert wurden/ Vber jedliches Quartier waren
zwölff außserlesene dapffere auffrichtige Männer als Oberisten ver-
ordnet/

¶ ij ordnet/